

А. А. МАРТИРОСЯН, «Аргиштихинили» (Археологические памятники Армении, № 3, Урартские памятники, выпуск I), издательство АН Арм. ССР, Ереван, 1974, 176 стр.

1962 թ. ԳԱ հնագիտության և ազգագրության ինստիտուտը պեղումներ սկսեց ՆՍՍՀ Հոկտեմբերյանի շրջանի Նոր Արմավիր գյուղում: Այժմ սեղանի վրա է Նոր Արմավիրի հնագիտական արշավախմբի պետ Հ. Մարտիրոսյանի 1962—1970 թթ. աշխատանքների արդյունքները ամփոփող հաշվետվություն-ուսումնասիրությունը:

Արդի Նոր Արմավիր, Նալբանդյան, Արտագերս, Արմավիր, Հայկավան, Բամբակաշատ և Զրաշեն գյուղերի վրա տարածվող Արգիշտիխինիլի՝ ուրարտական մ. թ. ա. VIII—VII դդ. քաղաքի, պեղումները ուշագրավ երևույթ հանդիսանալով Հայաստանի հնագիտության համար, նշանավորում են նաև, ի թիվս այլ աշխատանքների, ուրարտական հուշարձանների հնագիտական ուսումնասիրման նոր փուլը:

Արգիշտիխինիլիի հնագիտական ուսումնասիրման համառոտ ակնարկը, քաղաքի տարածքում նախաուրարտական բնակավայրերի ու մշակույթների հետքերի նկարագրությունը, Արա-րատյան դաշտի նվաճման պատմությունը ուրարտացիների կողմից կազմում են աշխատության առաջին գլխի բովանդակությունը:

Ներդրող գիտյալը նվիրված է քաղաքի պատմության ըստ սեպագիր արձանագրությունների տվյալների: Գրավոր աղբյուրների տվյալների նոր ընդհանրացումը անհրաժեշտ է ոչ միայն հնագիտական նյութը ճիշտ հասկանալու համար, այլ նաև այն պատճառով, որ այդ աղբյուրների թիվը ավելացել է հենց պեղումների ընթացքում: Նոր արձանագրությունների գյուտը, մեկը Արգիշտի I-ի, մյուսը՝ Սարգսրի II-ի, որն արդեն բավական է ընդգծելու պեղումների արդյունավետությունը, անհրաժեշտ էր դարձնում նման արժեքավորումը:

Աշխատության երրորդ գլուխը վերնագրված է «Տեղագրությունը և քաղաքաշինական կառուցվածքը»: Աշխարհագրական և տնտեսական միջավայրը, ռազմատարատեղական դիրքը՝ կապված ռելիեֆի առանձնահատկությունների հետ, և մի շարք այլ տեղագրական գործոններ, որոնք հասկանալի են դարձնում քաղաքի հիմնադրման նպատակահարմարությունը, քննված են ամենայն մանրամասնությամբ: Սեպագիր արձանագրությունների տվյալները, տեղանքի առանձնահատկությունների ու ժամանակակից ջրանցքների ուղիները հեղինակին թույլ են տալիս վերականգնելու նաև հին ջրանցքների մոտավոր սխեման:

Տեղագրական հանույթը ու պեղումների արդյունքները տալիս են հուշարձանի քաղաքաշինական տպավորիչ պատկերը: Հեղինակը ցույց է տալիս, որ քաղաքը իր հստակորեն տարրոշվող երկու ներքին և արտաքին քաղաքամասերով, երկու ամրոցներով, բազմաթիվ զուգահեռներ ունի հին արևելյան քաղաքաշինության, ինչպես նաև Հայկական լեռնաշխարհի հնագույն կառուցողական արվեստի մեջ:

Չորրորդ գլխում քննության են առնված քաղաքի շերտագրության ու ժամանակագրության հարցերը: Աշխատությունից երևում է, որ նախաուրարտական շերտի վրա բարձրանում է ուրարտական քաղաքը, որն ամրոցում իր հերթին ծածկված է միջնադարյան՝ IX—XIII դդ. բնակավայրի մնացորդների թանձր շերտով:

Ուրարտական քաղաքը նույնպես նիթարկված է շերտագրական տարբերակման՝ ինչպես ուղղահայաց, այնպես էլ հորիզոնական: Հուշարձանի ճարտարապետական հատակագծային վերլուծությունը, ստացված է. Ղաֆադարյանի մասնակցությամբ¹, զուգակցված հնագիտական ու արձանագրական նյութերից ստացված հարուստ ինֆորմացիայի հետ, նման աշխատանքի հուսալի հիմք են կազմում:

Բոլոր այս տվյալների համագրությունից բխում է քաղաքի զարգացման պատկերը, Հատկապես ուսանելի է ամրոցից դեպի արևմուտք ձգվող տեղամասի պատկերը, որը բացվել է

¹ К. К. Кафарян, Архитектура города Аргиштихинили (автореферат кандидатской диссертации), Ереван, 1975.

պեղումների ընթացքում, Այստեղ ստացված շերտագրական տվյալներն անփոխարինելի աղբյուր են քաղաքի ընդարձակման պատմության համար, Բանն այն է, որ Հ. Մարտիրոսյանին հաջողվել է պարզել, թե այստեղ է գտնվել Արգիշտի I-ի օրոք հիմնադրված քաղաքի հին, նախնական գերեզմանոցը, Քաղաքի ընդարձակման կապակցությամբ, հավանաբար Սարգուրի II-ի օրոք, այս տարածքը կառուցապատվել է, Հնագետները հայտնաբերել են նոր թաղամասի տները ու նրանց հիմքերի տակ գտնվող թաղումները, բացելով հին քաղաքի պատմության նոր էջեր: Աշխատության հաջորդ գլուխը նվիրված է արևմտյան ամրոցին: Պեղումների ընթացքում բացված պատկերը խիստ ուսանելի է ու թույլ է տալիս ներթափանցելու ուրարտական ամրոցաշինության ու ճարտարապետության սկզբունքների մեջ: Ամրոցը կառուցված է ս. Դավիթ բլրի վրա, որի բայթուլությունը 52 մ է և գրավում է մոտ 2 հա տարածություն: Այն շրջապատված է մի քանի շարք պարիսպներով և կառուցապատված է առաջնակարգ շենքերով: Ինչպես պարիսպները, այնպես էլ շենքերը կառուցված են տարբեր մակարդակների վրա, այսինքն՝ համապատասխանեցված են բլրի մակերեսի ելևէջներին: Հասկապես մեծ վարպետությամբ են օգտագործված բլրի լանջերը՝ լրացուցիչ տարածություն ձեռք բերելու նպատակով: Ջարմանայի չէ հետևապես, որ Արգիշտիյի սրբանայան ամրոցի ընդհանուր տեսքը ուրարտական այլ հուշարձանների նմանությամբ քնութարգվել է ծավալների աստիճանաձև դասավորությամբ. որն ուղվածքին հաղորդել է առանձին հմայք:

Ամրոցն ունեցել է երեք մուտք: Նրանցից մեկը, ինչպես պարզվել է պեղումների ընթացքում, ունեցել է երկու՝ իրար նկատմամբ ուղիղ անկյան տակ դրված դարպասներ, որոնց միջև գտնվում էր փակուղային անածակ սենյակը: Արտաքին դարպասից ներս խուժած թշնամին ոչնչացման էր ենթակա այստեղ՝ վերեից հարվածող պաշտպանների կողմից: Աշխատությունում համոզիչ կերպով վեր է հանված ամրոցի հիմնական մասերի ժամանակագրական կերպարը, նրա կառուցապատման ընթացքը: Արգիշտի I-ի ամրոցն ունեցել է մեկ շարք պարիսպ, պալատական համալիր, բակ՝ շուրջը բազմաթիվ կառույցներով և տաճարային շենք: Սարգուրի II-ի օրոք հարավից և հյուսիսից պարիսպների նոր շարքեր են կառուցվել, իսկ նրանց ու հին պարիսպների միջև բազմաթիվ (մեծ մասամբ տնտեսական) շենքեր են կանգնեցվել:

Պալատական շենքի հատակորեն որոշվող ժամանակագրական կերպարը, նրանում գտնված սյան խարսխի վրա դրոշմված Արգիշտի I-ի արձանագրությունը այն թվագրում է մ. թ. ա. VIII դ. առաջին կեսի սահմաններում: Կուլտուր-պատմական կարևոր աղբյուրներ բացահայտող հատակագծային սկզբունքների մշակվածության աստիճանը թույլ է տալիս այն համարել ուրարտական ճարտարապետության նշանավոր կոթողներից մեկը: Թեպետ շենքը Սարգուրի II-ի ժամանակ և ապա ամրոցի անվան նախօրյակին որոշ փոփոխություններ է ապրել, նրա հիմնական մասը մնացել է անփոփոխ: Այն բաղկացած է երկարավուն սյունաղաղ դահլիճից (2 շարք, 10-ական սյուն), որի մի կողմում բնակելի սենյակներն են դասավորված, իսկ մյուսում՝ ընդունարանները, ինչպես նաև տնտեսական նշանակություն ունեցող մասը, եփսոս ուղադրվ է, ցույց է տալիս հեղինակը, որ համալիրը իր ղոգահաններն ունի Ուրմիա լճի հարավում տեղադրված Մանա երկրի ամրոցներից մեկում, ժամանակակից Հասանլուում:

Այդ ամրոցի IV շերտում, որը թվագրվում է մ. թ. ա. X—IX դդ., բացվել են մի շարք շենքեր, որոնք ունեն Արգիշտիյի ժամանակին նման հատակագծային հորինվածք: Այս աղբյուրը, որը բացահայտում է դեպի հարավային մշակութային կենտրոնները կողմնորոշված ուրարտական ճարտարապետության ակունքները, հնարավորություն է տալիս Հասանլուի տրվյալների հիման վրա մոգելավորելու վաղուրարտական, հատկապես մ. թ. ա. IX դ. մեզ մինչև օրս քիչ հայտնի ճարտարապետության կերպարը:

Արգիշտիյի ժամանակին պալատական համալիրը կարևոր է ոչ միայն հին արևելյան հուշարձանների հետ իր ունեցած կապերի տեսանկյունից, այլ նաև այն դերի բերումով, որը նա խաղացել է հայ ճարտարապետության ձևավորման գործում: Այս տեսանկյունից խիստ ուշադրվ է ճարտարապետ Կ. Ղաֆադարյանի հիմնավորած հատակագծային ու ֆունկցիոնալ նմանությունը Արուհի Մամիկոնյանների ու Դվինի կաթողիկոսական պալատների հետ (մ. թ. VII դ.):

Պեղումների ընթացքում ամրոցում բացահայտվել է նաև շինարարական մի վերջին շրջան, որն ամենայն հավանականությամբ կապվում է ամրոցի անկման նախօրեի հետ: Խոսքը անշուրջ կացարանների մասին է, խրճիթների՝ խցկված պարիսպների արանքում: Այս, իր բնութիվով համեմատ, բայց նշանակությամբ առաջնակարգ նյութը Հ. Մարտիրոսյանի ձեռքում դարձել է հուշարձանի քաղաքական և սոցիալ-տնտեսական պատմության շոշափելի աղբյուր:

Աշխատության վեցերորդ գլուխը նվիրված է բուն քաղաքի, նրա բնակելի թաղամասերի պեղումների արդյունքներին: Սրանց ավերակները ձգվում են մոտ 2,5 կմ և զբաղեցնում են

երեք բլուրներն ու նրանց միջև ընկած թամբաձև իջվածքները: Այսպես կոչված ներքին բաղաբը կազմող թաղամասերը հնում պարապապատված են եղել:

Պեղումների ընթացքում բացվել են առանձին թաղամասեր կազմող 50 առանձնատներ, որոնցից մոտ 10-ը՝ լավ ընթերցվող հատակագծով: 400—600 մ2 մակերես ունեցող տները արդարեւից կազմում են քառանկյունի կամ համարյա քառակուսի շենքեր՝ խուլ պատերով կամ կոնսոլիդացիայով հարդարված: Հատակագծման առանձնահատկությունները և տներում գտնված, հնագիտական նյութը 2. Մարտիրոսյանին թույլ է տալիս որոշելու այս բաղամասենյականոց բնակարանների ամեն մի սենյակի դերն ու նշանակությունը: Հատակորեն տարբերվում է կենտրոնական սենյակը, Այն ունեցել է տանիքը պահող սյուներ, նստարաններ և օջախ: Նրա շուրջը զասավորված են եղել բնակելի սենյակները, տնտեսական նշանակություն ունեցող բաժանմունքները (կարասներով սենյակներ, զոմ, խոհանոց և այլն):

Եթեղ տները, անկասկած, պատկանել ան բաղաբային բնակչության վերնախավի ներկայացուցիչներին, բարձրաստիճան պաշտոնյաներին, իշխանավորներին:

Ճիշտ են նկատված տներում կատարված վերափոխությունները և նրանց ժամանակագրական փուլերը, որոնք ունեն մեծ կարևորություն հուշարձանի սոցիալ-տնտեսական էությունը հասկանալու տեսակետից: Այդ վերափոխությունների մի մասը կապված է բաղաբի աճի հետ, իսկ մյուս մասն արտացոլում է քաղաքական անկման վիճակը:

Քաղաքի տնտեսության հարցերը քննվում են աշխատության յոթերորդ գլխում:

Հնագիտական նյութերը և արձանագրությունների տվյալները թույլ են տալիս ուրվագծելու բաղաբի տնտեսական կյանքը, պարզելու նրա բաղամասերը բնույթը: Արգիշտիխինիլին հանդես է գալիս նախ և առաջ որպես գյուղատնտեսության կենտրոն: Հացահատիկների մշակումը, այգեգործությունը և ուրարտական գյուղատնտեսության մյուս առաջատար ճյուղերը Արգիշտիխինիլիում հասել են աննախընթաց վերելքի: Ինչքան էլ պայմանական լինեն հեղինակի փորձերը՝ միջնաբերդում ամբարձրը ցորենի կամ գինու քանակի հիման վրա հաշվելու ցանքատարածությունների ծավալը, իրանք որոշակի պատկերացում են տալիս պետության-թագավորական տնտեսությունների որոշիչ դերի մասին, ինչպես ամբողջ երկրի, այնպես էլ առանձին քաղաքների կյանքում: Ոսկրաբանական նյութի ուսումնասիրումը, որը կատարել է Ս. Մեծլումյանը, և այլ կարգի տվյալներ, թույլ են տալիս խոսել անասնապահության ու անասունների կազմի մասին: Այս տեսակետից ուշադրության արժանի են բժշկության մեջ օգտագործված դանազան կենդանիների ու թռչունների մնացորդները:

Աշխատության մեջ հետաքրքիր տվյալներ կան ուրարտական քաղաքի կյանքը բնորոշող արհեստների (բրուտագործություն, մետաղամշակություն, քարի և փայտի մշակում) մասին:

Ուշադրության արժանի են կավանոթների վրա դրոշմված կամ փորագրված նկարները (մարտականք, առյուծներ, այծեր ու կենաց ծառերը), ինչպես նաև արհեստավորների բաղամաթիվ նշաններ:

Աշխատության վերջին գլխում քննության են առնված քաղաքի անկման հնագիտական հետքերը: Նրանք երևում են ամենուրեք (հատկապես ամրոցում) և կապված են գլխավորապես վերլինիս հրկիզման հետ: Հրդեհի հետքերը, ավերածությունները, սպանությունները ավելորդ անգամ վկայում են քաղաքի բռնի գրավման մասին: Թեպետ արևելյան ամրոցը (Արամվիրը) և նրա որոշ շենքեր ևս հրկիզվել են, այնտեղ, ինչպես հայտնի է, կյանքը շարունակվել է: Մ. թ. ա. IV դ. Արամվիրը դառնում է նրվանդունիների հայկական պետության մայրաքաղաք:

Արգեն վաղուց ապացուցված է, որ ուրարտական հուշարձանների նշանակությունը չի սահմանափակվում Ուրարտուի պատմության ու մշակույթի շրջանակներով: Վերահիշյալ հուշարձաններում հայտնաբերված հնագիտական նյութերը ցույց են տալիս, որ այդ նշանակություն ավելի լայն ընդգրկում ունի և ամփոփում է ոչ միայն նախաուրարտական, այլև հուրարտական՝ հայկական ժամանակաշրջանը:

Էրեբունիում հայտնաբերված վաղհայկական (աքեմենյան) շերտը, վաղհայկական և հելլենիստական դամբարանադաշտերը Կարմիր բլուրում, նույն ժամանակաշրջանի նյութերը Արևմտյան Հայաստանի ուրարտական հուշարձաններում՝ Վանում, Ալթըն-թեփեում, Բազնոցում և այլն, թույլ են տալիս քննել նաև բուն հայկական ժամանակաշրջանի պատմությանը վերաբերող մի շարք կարևոր հարցեր:

Այդ նույն պետք է ասել Արգիշտիխինիլիի մասին: Դա է, թերևս, պատճառը, որ գրա-խոսվող աշխատության մեջ պատշաճ ուշադրություն է դարձվել հուրարտական նյութերին:

Այդ նյութերը բաժանվում են մի շարք խմբերի: Առաջին խմբին են վերաբերում հուշարձանի տարածքում, մինչև պեղումների ակսիլը պատահականորեն գտնված նյութերը: Երկրորդ խմբին 3—8

խումբը ամփոփում է ուրարտական քաղաքի թաղամասերում և բնակարաններում սյեղված հստորարտական ժամանակաշրջանի դամբարանները՝ նրանց նյութերով հանդերձ, քաղաքի արեելյան ծայրամասում կատարված հետախուզական պեղումների արդյունքները կազմում են երրորդ խմբի բովանդակությունը, Վերջապես, առանձին խմբի մեջ կարող են դասվել այն նյութերը, որոնք ուրարտական լինելով հանդերձ, հստորարտական մշակութի որոշակի երևույթների հիմքում են կանգնած:

Աշխատության մեջ վերահիշյալ նյութերը ուսումնասիրված են հանգամանորեն, ցույց են տրված նրանց մշակութային աղբյուրները, պարզաբանված են նրանց ծագումնաբանական հարցերը:

Աշխատությունը գլուխ չէ նաև բոլոր թերություններից, Թեպետ Արգիշտիխիխիում վաղ մ. թ. ա. VIII դ. խեցեղենը տարբերակված է ուշ մ. թ. ա. VII—VI դդ. խեցեղենից, սակայն միշտ չէ, որ այն պատշաճ տեղ է գտել աշխատության իլյուստրացիոն նյութերում (էջ 82-ում հիշատակված խեցեղենը, ՀՊՊ թանգարանի ֆոնդերում պահվող ամբողջական կամ ամբողջացող նմուշները):

Ձի կարելի համաձայնվել հեղինակի այն ենթադրության հետ, որ Արգիշտիխիխիում մասնավոր տնտեսությունների հողամասերի ընդհանուր տարածությունը գերազանցում էր պետական հողերին (էջ 142):

Ձի հաստատվում այն կարծիքը, ըստ որի Ռուսա I-ի անհաջողությունների հետևանքով Սեանի ավազանի բնակչությունը լքել է իր բնակավայրերը ու հաստատվել Արարատյան դաշտի ուրարտական քաղաքներում (էջ 32—33, 90, 100, 135): Իրանական Աղբյուրներում դեռ վաղուց, իսկ Զանգեզուրում վերջերս գտնված Ռուսա I-ի հաջորդ Արգիշտի II-ի արձանագրությունները ցույց են տալիս, որ Սարգոն II-ի՝ դեպի Ուրարտու կատարված արշավանքների կործանարար համարվող հետևանքները ենթակա են վերանայման: Հեղինակը գտնում է, որ Արմավիր քաղաքը տարածվել է Արմավիր բլուրից դեպի հյուսիս՝ հասնելով մինչև այժմյան Բամբակշատ գյուղը, ունենալով այդպիսով հյուսիս-հարավ առանցք (էջ 55, նկ. 10): Մեր կարծիքով շատ ավելի վստահելի են թվում այն տվյալները (այդ թվում և նոր Արմավիրի արշավախմբի աշխատանքների տվյալները), որոնք խոսում են Արմավիր քաղաքի դեպի արևմուտք տարածվելու մասին: Աշխատության մեջ հրատարակված Արգիշտիխիխիի հստորարտական համարվող նյութի եթե ոչ ամբողջ, ապա գերակշռող մասը պատկանում է ոչ թե վաղ-հայկական (աքեմենյան) ժամանակաշրջանին, ինչպես կարծում է հեղինակը, այլ հելլենիստական ժամանակաշրջանի: Այդ մասին է վկայում այդ նյութի, ավելի ճիշտ խեցեղենի ակնհայտ կապը, իսկ հաճախ նույնությունը, Արմավիրի այժմ հաստատապես հելլենիստական ժամանակաշրջանով թվագրվող շերտում գտնվող իրերի հետ: Մինչև սխտեմատիկ պեղումների սկսվելը Արգիշտիխիխիի տարածքում պատահականորեն գտնված հստորարտական նյութերի մեծ մասը ծագում է ոչ թե արևմտյան ամբողջի (Դավթի բլուր) շրջապատից, ինչպես կարծում է հեղինակը (էջ 9, 55), այլ Արմավիրից: Ցանկալի ժլեները ցույց տալ ուրարտական քաղաքի փլուզանքներում նրա արդեն ավերված բնակարաններում հայտնաբերված հստորարտական ժամանակաշրջանի դամբարանների տեղագրումը (այսպես կոչված սիտուացիոն պլանը), որն ընթերցողին մի հայացքից հասկանալի կդարձնի քաղաքի անկման պատկերը: Ք 7 քարտեզի վրա որոշ անճշտություններ կան: Հայկական (Թափա դիրի) և Արմավիր (Ղուրդուղուլի) գյուղերի տեղերը շփոթված են:

Գրախոսվող աշխատության մեջ ներկայացված նյութերը թույլ են տալիս արդեն հիմա որոշակի պատկերացում կազմելու ուրարտական քաղաքի մասին: Այս հանգամանքը մեկ անգամ ևս ընդգծում է Արգիշտիխիխիում կատարված աշխատանքների նշանակությունը, մասնավորապես եթե հաշվի առնենք, որ Հայկական լեռնաշխարհի ողջ տարածքում պեղվող ուրարտական տասնյակ հուշարձանների թվում բացակայում են ուրարտական քաղաքները, բացառությամբ Թեյքեբախիի (Կարմիր բլուրի), որի ուսումնասիրումը, ևս ի դեպ, կատարել է Հ. Մարտիրոսյանը: Հաջորդ, 1970 թ. առ այսօր տեղող աշխատանքների արդյունքներին նվիրված Հ. Մարտիրոսյանի հատորը, ինչպես նաև արշավախմբի ճարտարապետ Կ. Ղաֆադարյանի քաղաքի ճարտարապետության ուսումնասիրության արդյունքները ամփոփող հատորը, որոնց հրատարակմանը մասնագետները սպասում են անհամբերությամբ, էլ ավելի կամբողջացնեն մեր գիտելիքները ուրարտական այդ նշանակալից քաղաքի մասին, նոր հեռանկարներ բացելով հին արեելյան քաղաքաշինության ու քաղաքային կյանքի ուսումնասիրության ասպարեզում:

Գ. Ա. ՏԻՐԱՅՅԱՆ

Պատմական գիտությունների քնկնածու